

NITIJELA OF THE MARSHALL ISLANDS
37TH CONSTITUTIONAL REGULAR SESSION, 2016

4th Day (Monday) P-I
January 25, 2016

SPEAKER KEDI: Yokwe non armej in aelon kein. Kamolol Anij moktata ilo juon jibon in raan eman ilo an bar tak al ioor elaptata ilo an aiboujoj ilo juon raan in Monday ilo juon ijinojn juon week ekaal. Rainin ej January 25, 2016 awa ne ej 10:00 awa kio ejibon im ej raan eo ka-emen in an Nitijela in jijot ekar non Jemen-Ei eo an armej in aelon kein im emoj letok bwe ri kwelok rein ami ren jermal iloon. Im mokta jen ao wonmanlok im komoni kwelok kein an jibonin rainin, ij kajitok ippen aolep rutej rein kab rein iloon chamber in elaptata rutej rein ne remaron jutak joj komoni jar ko ad ippen dron im aje lak rainin non Anij. (JAR). Bar juon alen kile ro drien kile er im kauteij eok Mr. President, cabinet member rein kab aolep senator rein motta im rein rar lo tok koj iloon chamber in jikin bebe in euteij aer im an armej in aelon kein.

Madam Clerk, wonmanlok wot im komone roll call eo an Nitijela ilo jibonin rainin.

CLERK:

H.E President Casten Nemra.....	Present
Minister David Kabua.....	Present
Minister Kessai Note.....	Present
Minister Jack Ading.....	Present
Senator Kalani Kaneko.....	Present
Minister Atbi Riklon.....	Present
Minister Bruce Bilimon.....	Present
Minister Daisy Alik Momotaro.....	Present
Minister Leander Leander Jr.....	Present
Senator Eldon Note.....	Excuse
Minister Mike Halferty.....	Present
Vice Speaker Jejwarick Anton.....	Present
Senator Litokwa Tomeing.....	Present
Senator Alvin Jacklick.....	Present
Senator Alfred Alfred Jr.....	Present
Senator David Kramer.....	Present
Senator Amenta Matthew.....	Present
Senator Hilda Heine.....	Present
Senator Maynard Alfred.....	Present
Senator John Silk.....	Present
Senator Brenson Wase.....	Present
Senator Sherwood Tibon.....	Present
Senator Michael Kabua.....	Present
Senator Christopher Loek.....	Present
Senator Tony Aiseia.....	Present
Senator Jerakoj Bejang.....	Present
Senator Thomas Heine.....	Present

Senator Wilbur Heine..... Present
Senator Tony Muller..... Present
Senator Dennis Momotaro.....Present
Senator Mattlan Zackhras..... Present
Senator David Paul..... Present
Speaker Kenneth Kedi.....Present

SPEAKER KEDI: Madam Clerk, enij wor juon ej excuse, Senator Eldon Note.

CLERK: Mr. Speaker, ewor 32 present, im 1 excused

SPEAKER KEDI: Kommol Clerk. Im ejja iumin mandate en an Jemen-Ei in an armej in aelon kein wot emoj an wor quorum non an wonmanlok wot kwelok kein an armej in aelon kein ilo rainin kein kemen an Nitijela in. Im einwot ad melele ewor juon agenda ebed imaan botaap im edrein agenda jenij lale ekar non bar Jemen-Ei ne kab rule im procedure kane adrean iloan Nitijela in. Botaap mokta jen ad komone agenda in ij lomnak ejimwe bwe in komelele jidrik ikijeen kwalok jidrik etke jej kar kiri rutej eo juon mottad jen Arno einwot juon Senator ilo jibonin rainin, Mike Halferty. Im ilo Jemen-Ei in ad ej kwalok bareinwot jokjokin ear bok jikin ewor juon kar resignation letter jen rutej in mottad jen Arno juon lak non President ilo an kajitok im kalikar ke ej resign jen post eo an einwot juon Minister non Transportation im Communication. Im ilo Jemen-Ei in ad elap an alikar ilo Article V Section 8 ke menin emaron bok jikin ekar non kajojo konan an minister kab ro me rej konan resign jen post kan aer non an armej in aelon kein melele kab elaptata rein rar kobatok ilo jibonin rainin. Innem ilo agenda ne ad kio ilo jibonin rainin, ij bar loe ilo imaan meja einwot bar document eo ekar itok jen Office eo an President kio jibon ke emoj an Mr. President accept -e resignation eo an kar minister in, Senator Mike ilo jibonin rainin.

Im ilo agenda ne adrean ilo jibonin rainin elikin ad kar komone roll call eo ejelok journal im jabrewot ak ebed ilo item nombra 4, motion eo Motion of No Confidence eo motion nombra 1 non vote in jelke eo nae cabinet eo. Ippen motion in bareinwot ekar bar drelontok juon document kio jibon jen mona eo juon im ekar non ao melele ekar submitted jen Senator John Silk im ej bareinwot attach im bed ilo agenda kane an kajojo ri kwelok rein ilo jibonin rainin. Im men ne ij tomak ilo wawein ad kalimjeke ej uak eo ikijeen vote in jelke eo jen mona eo juon non government. Im einwot ao kar kallimur non kijwoj iloan mwiin member rein 33 elaptata non armej in aelon kein bwe jenij jino komone debate ko ak kenono ko ikijeen motion im iar bareinwot kallimur ekar non kajitok eo ke en bellokk opportunity in non aolep ro rej konan bok kwonaer mokta jen ao nej kili im nej vote -I ilo tore eo jenij aikuij vote-i. Ilo Article IV Section 15(1, 2) lalwaj ej kallikar ke eaikuij bwe en jokjok in drein. Im bareinwot ilo Rule Nombra 3, Rule Nombra 8, Rule Nombra 70, im Rule Nombra 112 ej bareinwot kallikar im kabinlok ta eo Jemen-Ei eo ej ba ilo Article IV Section 5. Im enij jokjokin dre ne ilo jibonin rainin im inaj lelok opportunity eo non petitioner ro bwe ren wonmanlok wot im present -e un ko ippeir kin an kar wonlontak vote in jelke in. Im elikin inij kotlok non kien eo kab ro rej konan bok kwonaer non uaak ikijeen un in.

Im kajitok eo an jea ilo jibonin rainin bwe joj en komon bwe en jokkun wot juon im jen karejar ilo ad komone im jen kile dron ilo ad komone, koj jej ekelel in armej ro itok non ijin eutej non ad komoni jermal kein an armej in aelon kein. Im jej komone wot iumin Jemen-Ei in. Im kajitok bwe ilo an nej itok

melele ko jen mona eo juon en itok im enaj wawein discussion eo ad ne ikijien melele ko rej itok jen mona eo juon, kajeon jab ilok ilikin lok melele kein me rebed. Ikonan kwalok ke ne enaj wor personal attack kab wawein ko jot non jabrewot rutej iloan mwiin inaj aikuj kabojrak e. Rule kein rej bareinwot kallikar ke emo im enaj jokjokin adwoj kile dron maanwoj non ne ededelok ad komone menin im ej mandate iumin Jemen-Ei in an armej in aelon kein.

Im ilo torein jea enij kile petitioner ro ak ro rar komone petition eo non wonmanlok im letok statement eo aer ilo jibonin rainin im elikin inaj lelok non President im cabinet non aer uaak jabrewot uaak ko rebed ippeir.

Wonmanlok wot Senator eo eutej jen Ebon, Senator Silk.

SEN. JOHN SILK: Kommol Mr. Speaker. Im mokta jen ao bok kwonao ilo jibonin rainin, ikonan jolok ao bwod ippem im ippem minister rein elaptata armej in Majol im Iroj ro ad ne ejab lukkun eman ao kenono ilo jibonin rainin bwe iar jino naninmij jen raan ko lak im ij kajeon jonan wot ao maron non ao komeleleik melele kein ij ton limaantak.

Ak kein karuo, bok ien in eman im lewoj kautej non eok Mr. Speaker non Mr. Vice Speaker, non President eo ad ilo aelon kein. Minister rein, senator rein woj kajojo im aolep armej in Majol im Iroj ro ad bareinwot ro rebed iloan mwiin im ro rebed ilikin mwiin. Im bareinwot armej in Majol ro rej ronjake radio kab ro me rej online im ronjake im loe kenono kein ad ilo jibonin rainin.

Mr. Speaker, ilo etan mona eo juon ikonan bok ien in im komeleleik armej in Majol ta unin kotobar in im etke ej komon motion in ilo torein. Ak mokta jen ao wonmanlok, ikonan bokliklok kojean non jidrik history in komeleleik naan in "Democracy" im eo wawein an jerbak ilo aelon kein. Einwot ad jela Mr. Speaker, democracy melelein naan in ej itok jen ro maanlak emaron 700 yio mootlak ilo aelon in Greek kane ilo Europe ke lal kein redrik ilo tore ko raar ejaak aer kien. Im ekar itok jino ejaak principle in non ad kakien e kij make ilo ad kalet ro me rej represent -e koj jen aelon in Greek kan emaron 700 jima yio emootlak. Im naan in Democracy ej ruo naan ko "demos" naan in Greek ej armej im "kratos" ej force ak power an armej im konij lak kobaiki enone ej Democracy. Im emoj an oktak spell in iumin elon iio ak jen ri Greek ro ear itok non Europe en im jet iaan lal ko ilo Europe rar jino exercise-i maron in im enone ekar walok ilo Magna Carta an New England im itok non America ilo US Constitution eo an America. Im kojean ilo May 1 ilo 1779 eo kojean ekar baj koweppen juon adrean Jemen-Ei elikin an kar ro rar bok kwonaer ilo eik Jemen-Ei in, komone Jemen-Ei in ad im enone Jemen-Ei eo ne jej lore bedbed in kien eo ad ne jen 1779 eo tok non kio.

Im iloan Jemen-Ei ne ad einwot ad monono kake bwe ro me rar eik Jemen-Ei ne ad elap aer kar lolokijon konke remaronin kar komone juon Jemen-Ei eo me ej address -e elon issue ka elaptata issue eo kin manit kein ad im bareinwot kin wawein ad kien e koj make iumin kien anemkwoj. Im jej kamolol e er kin wawein kein. Ijela ke ruo iaan rein me rar bok kwonaer ilo komone Jemen-Ei e rej bed wot kio non rainin im rej member in Nitijela, Minister Note kab Senator Litokwa Tomeing. Im elap ad monono bwe rej bed wot kio non aer bok kwonaer ilo wawein kein jej komoni rainin. Ak Jemen-Ei in ad ilo an kar ro rar frame-i im framer ro an constitution in ad rar bareinwot kallikar ke ewor jot maron ko me rej litok non kajojo armej me ejelok juon emaronin lokki. Im ne baj kio ilo rainin jej loe an exercise maron kein ilo ad

lo an citizen ro ad lobby kien eo ad ilo an citizen ro ad petition -e kien eo ad im ilo an citizen ro ad konanaiki kien eo ne rejab loe ke eman ilo wawein ko rej komoni ilo social media ko im jej loe kio. Ewor ro me rej ba ebod wawein in jej lemaantak, ewor ro me rej ba eman ak men eo eaurok in konke ealikar ke freedom of expression in an armej, freedom of thoughts, freedom of speech even freedom of religion ebed kio. Einwot ad jela ewor jot kabun ko jemaron jab erra kaki ak rej itok kin bedbed iumin Jemen-Ei in ad im maron kein iumin Article II in Bill of Rights eo.

Ejja bar ilo wawein in wot Mr. Speaker, ilo Jemen-Ei ne ad ej bar komlet ilo Article V Section 7 ke jabrewot member in Nitijela emaronin komone juon an motion in vote in jelke nae cabinet eo ilo torein, emaron komon motion in jabrewot ien ilo ien ko Nitijela ej in session. Eokwe maron ne ej ilok non kajojo member in Nitijela. Im einwot ao ba ej jot iaan maron ko me emoj aer guarantee ki iumin Jemen-Ei ne non member ro an Nitijela non aer exercise-i. Im ilo tore in exercise in rainin ej komon nan ad komone motion ne non Vote of No Confidence. Im emoj an iwoj melele ko jen party eo juon ikijien etke jej komone motion in ilo torein. Im unin ad komone motion in jej komone bedbed iumin melele in ke ejelok an government in mandate jen armej in Majol non aer wonmanlok im kien e koj ilo torein. Einwot adwoj jela ejibikbik uaan cabinet eo rainin. Jonan emoj an bar wor juon eo emoj an bar jijetlok ak ejab control -e Nitijela rainin, ejjab majority party ilo Nitijela.

Im ilo Parliamentary System Mr. Speaker, ilo Parliamentary System in ad ewor jot wawein ko me jej aikuijin lori im wawein kein ej bwe ealikkar ilo wawein adwoj jermal ippen dron jen kar jinoin kien jen 1979 eo tok non kio ke aolep ien majority party eo ej bok cabinet eo im bareinwot ej control -e Nitijela eo. Ewor unin wawein in ej non bwe en bidodo an cabinet eo jermal ippen Nitijela non pass-i bill ko me raikujin pass elaptata men ko me raurok non lemaanlok aelon kein im bareinwot relationship eo ad ippen lal ko ilikin. Bareinwot budget eo ej aikuijin pass tok jen cabinet eo im pass jen Nitijela eo bill im resolution ko kab appointment ko an committee ko woj kajojo me renaj bok eddo in bill im resolution kein rej bar itok jen party eo elon uaan. Ej aikuijin jermal both ej aikuijin jermal cabinet eo ippen Nitijela im rej aikuijin juon wot raikujin lukun mol juon wot ak ilo torein rejab ilo ad melele. Im kio kajitok eo in armej in Majol renaj aikujin ak jaikujin komeleleik armej in Majol etke jej aikujin komone motion eo ilo torein im ewi legality eo an motion e? Im ewi ethical kab moral obligation eo an member rein an Nitijela im ewi wawein practicality an motion in?

Einwot ao kar komeleleikilok Parliamentary System ak wawein kien ilo Parliament majority rules. Majority eo ej aikuijin e eo ej bok eddoin kien eo im bareinwot Parliament eo. Bolen ilo juon ien ne emman aolep men jenij bar lukun jijot ippen armej in Majol im lale elane wawein eo in kio jej wonmanlok wot ie ak ekar bwe einwot am jela Mr. Speaker, ewor juon bill emoj an Nitijela pass -e non komon ukotak ko nan Jemen-Ei ne ad. Ak ilo torein Jemen-Ei eo im wawein mour im jermal ko an kien in ej bedbed ion Jemen-Ei ne kio ne enaj itok kakkobaba kane ilo ien eo me ekkar im emoj an armej in Majol koweppene ekwe menko jenij lori kane. Ak ilo torein rule ko an im wawein an kien jermal im wawein an Nitijela in jermal ej bedbed ion Jeme-Ei ne me emoj an bar armej in Majol koweppene ilo 1979 eo. Im enone jej kemem e aolep yio. Etke jej kemem e? Konke jej kautej e konke maron kane ie ejelok juon armej emaronin buki ak armej in Majol wot ne renaj ukote ilo vote ko aer. Im wawein eo in ilo system in government ne ad emaron wor ro rejab erra ie ak jej aikuijin kememey bwe emoj an armej in Majol, alap ro ad im Iroj ro ad ilo tore ko koweppene ilo kalet ko aer rellon. Bwe ilo ao kar melele

realitoknoul (80%) jima percent in armej in Majol rar koweppen e Jemen-Ei ne im iumin Jemen-Ei ne ej letok maron ko non kajojo armej bareinwot ej empower e im lelok maron ko non member ro an Nitijela bwe remaronin komone juon wawein in jej komone kio, vote of no confidence elane rej lo ke ekkar bwe ren komone. Im enin ej walok ilo motion ne an rainin.

Motion ne elukun simple ejab juon motion eo e complicated ej itok wot in kwalok wot ke ilo torein ejelok an government in majority im ewi wawein an maronin run -e kien eo im koba tok ippen Nitijela ne ejelok an majority. Eokwe principle in Parliamentary System eo in jej lore jejab bar iton komone jot wawein ko ijelokin wawein ne me ebed kio imaan mejed. Im mol ke jen ien non ien jenij komone wawein in ejab konke jej jumae ak ne jej loe ke ebod jot wawein ko me rekkar bwe jen komone jenij komone. Ilo torein wawein eo in jej loe konke ejelok majority an government in im enaj ewi wawein an government in wonmanlok im represent -e kien, represent -e armej in Majol ak ejelok an mandate jen armej in Majol, member ro an Nitijela rejab erra ippen im rar jab endorse -e? Mol ke jaar kalete jinoin government in kon 17 vote ko ak rainin ejako vote eo ippen government in. Jeban kotlok bwe en wawein in wot. Elon jermal ko jaikuijin komoni im armej in Majol rej demand bwe en wor wawein ko jej aikuijin komoni non kajimwe wawein in. Im einwot representative ro an armej in Majol errein iloan mwiin ej Nitijela in im ri kwelok rein kajojo. Eoktak jen system kan ilo lal kan jet einwot ne baj US eo bwe president en jej kalete directly jen armej in America. Ak kojean system in adean eoktak, koj in jej kelet President en 33 armij ilo Nitijela ej kelet President en im 33 armij ilo Nitijela by simple majority remaron komakiti jen office eo an. Ak rej represent -e ta, rej represent -e armij in Majol, melelein jedlepju eo enin loan mwin, emoj an armij in Majol kabbeik koj bwe jen komani jermal kein ad im eddo eo ebed ibed. Im ij lomnak Mr. Speaker, enaj juon bod nan kajojo iadwoj loan mwin ne jej lo ke ejelok majority iben Government in ak jej kotlok bwe en wonmanlok wot im komani jermal ko an lal in ad enwot govern -e lal in ad ak ejako majority eo iben. Ejab juon Government eo ilo ao melele Speaker, ej legitimate bwe konke ejako aoo eo me ej itok jen armij in Majol through representative rein aer ilo Nitijela in.

Ekwe Mr. Speaker, bolen naan ko kein imaron kwalok ilo tore in ak ikonon kakememej kojean ke jejab tin jumaeik dron, jejab tin kenanaik dron, jejab tin kakkure dron ak jej itok bwe jej loor Jemen Ei ne ad. Ejelok juon men en jej komane loan mwin ak jej iton loor Jemen -Ei in ad ke Jemen -Ei in ad ej ba eindre ieo, jej komane im eddo eo adwoj iloan mwin enwot rikwelok bwe jen loor Jemen -Ei ne ad enwot ke jaar drelontok loan mwin im raan eo jinoin tata jaar kalimur im bok kalimur ke jenaj jermal nan armij in Majol im loor Jemen Ei ne ad.

Ekwe ejelok men en elab lok jen wewein in, jejab tin koman bar jabdewot wewein im jet ien emaron jab bun buruwon armij kon jermal kein jej komani ak ne jej lo ke ejimwe im ej the right thing to do, let's do it. Emoj an Anij letok jela nan kojwoj kajojo im emoj an letok freedom of thought im freedom of expression nan kojwoj kajojo. Obligation eo ebed ibam elane kwoj exercise -i maron in ekwe am bebe, ne kwoj jab bar am bebe ak at least emoj an Anij lewaj nan eok ilo Jemen -Ei in ad, emoj an armij in Majol confirm -e ilo Jemen -Ei in ad, eddo eo ebed ibam, anemkoj eo ebed ibam, kalet eo ebed ibam, choice eo am aet ak jaab.

Kommol Mr. Speaker.

SPEAKER KEDI: Kommol Honorable John Silk. Im ne ej wor wot jen mona ne ej konan bok kwonan ak elane ejelok ekwe bolen spokesperson eo an mona ne emoj an dedelok statement eo an im ne eindrein inaj lelok kio nan mona eo juon, President kab Cabinet kab ro jabdewot mottaer ilo mona in nan wonmanlok wot im komane respond eo aer. Jouj bar juon alen uak wot loan wot melele ko rar itok kio ikijen ta unin vote in jelke in.

Inaj kile mok Minister eo an Foreign Affairs, Honorable Minister Kessai Note.

MIN. KESSAI NOTE: Kommol Mr. Speaker. Naj bolen jejjjo wot enaan ilo ien in Mr. Speaker, ijoke muktata ikonan bok ien in im kamolol jemedwoj ilan kon mour im kon ejmour im juon raan emman, kon men otemjej. Im kein karuo kile ko adwoj nan dron ilo aelon kein, Iroj im Leiroij ro ad im ro rej tel koj ilo manit ko ad, President eo adwoj im ro rej tel koj ilo Government in, Minister rein im Senator rein, Mayor ro ad ilo aelon kein im Council member kab ro otemjej rej jurake jukjuk in bed ko ad ilo aelon kein, rikaki ro jemed ilo Ecclesia ko ad im kora in rikaki ro jined im ro otemjej rej jermal ilo Ecclesia ko nan promote - e emmanlok kab ejmourlok im eddoklok eo an aelon kein ilo mour in Jetob enwot adwoj jimor melele.

Ikonan bok ien in im kamolol statement ko remman rar itok jen mona eo juon im barenwot kamolol eok Mr. Speaker, kon an emman am komeleleik tok ijone imaan kon rule im procedure kane an Nitijela in. Ikonan kamolol eok kon an maron in tobrak tok melele kein jibbonin rainin enwot kar kajitok eo ear iwoj jen President eo adwoj ilo aelon kein kab rein ilo mona e juon im jej kamolol kaki.

Ilo jibbonin rainin Mr. Speaker, mona jab e ij konono ilo etan ej kab lo ground kein rej wonmantak in komane vote in jelke in. Im enwot iar kajitok ibam ilo raan eo iman Monday ko rej jomlok ke jenaj aikuji jidrik ien nan ad koman ad ekatak, konono iben ro jeaikuj in konono ibaer im bukoti melele ko jeaikuj in bukoti tok bwe en emman adwoj jimor konono kaki iloan mwin im armij in Majol ren melele ta kein jej konono kaki. Im kon an jidrimkij an itok melele kein jibbonin rainin, ilo etan President eo kab Government in ej bok eddo in im ilo etan mona in ikonan kajitok iben office ne am Mr. Speaker bwe en karok bwe jen karoltok ilo jibbonin Thursday nan ad debate –I motion e ear walontak kio,.Im ijela ebed eddo in ibam enwot am kar kalimur ilo raan eo jinoin tata ke konaj fair im konaj kotlok bwe aolepen side kein im melele ko ilo side kein ruo ren maron in wonmantak bwe en emman an Nitijela in komane kelot eo an im en emman an armij in Majol im jela komelele ke ebed maron in ibben im ijela im ijela komelele ke ebed maron in iben Office eo an Speaker elab tata ibam Mr. Speaker nan komane karok in bwe Nitijela in en joblak tok ilo jibbonin Thursday 10:00 awa jibbon nan ad debate –I motion e kab naj komane bunton ko jet rekkar ekkar nan rule im procedure kane kab ekkar nan Jemen Ei ne.

Ij kojatdrikdrik bwe konaj komane ruling in am bedbed ion rule im procedure kane an Nitijela enwot ke Jemen Ei ne ej bar lewaj nan eok eddo in bwe kwon maron komane kain kolmenlokijon rot kein kab jemlok kein. Ilo mol elab lok an eddo in bed ibem im Jemen -Ei ne make ej bar protect -e right ne am, jimwe ne am ilo an require two third (2/3) Nitijela member nan, ruo wot armij im rijerbal ilo Government in an aelon kein ej require ruo third (2/3) in Nitijela nan komakiti, ej Chief Justice kab judge ro ad ilo Court im kwe Mr. Speaker. Im case jab in ej kain situation ko me protection ne an Nitijela nan

Jemen -Ei ne rej iwoj nan Office ne an Speaker nan komane kain decision rot kein. Im ikonon bwe kwon jela ke you are well protected nan am komane jemlok eo im kajitok eo an party in ejab maron in konono kon motion in jibbonin rainin bwe kemij kab loe im kemij kajitok bwe kwon kotlok mae jibbonin Thursday bwe jen jeblak tok im konono kake.

Ekwe kajitok eo an party in kab ilo etan President eo kab ra jet. Kommol Mr. Speaker, kon am letok floor in.

SPEAKER KEDI: Kommol Honorable Minister Note. Im inaj lewaj nan floor nan ad further discussion ak nan wonmanlok wot im bar konono kake, juon in kajitok ilo floor ejanin itok ilo nememein motion ak ej itok ilo kajitok im inaj mok kile mok Honorable Senator Brenson Wase?

SEN. BRENSON WASE: Kommol wot. Elab am emmol Mr. Speaker kon am letok jidrik ien. Imelele ke makitkit eo eaurok tata elikin kar election ko adwoj mantak ej enin bwe enaj measurement eo in nan decide -I outcome ne an motion ne. Ijoke mokta jen ao naj wonmanlok wot im bok jidrik kwonao, ikonon kamolol Anij kon aolep menin karok, jeramman, ejmour, kab jabdewot blessing ko ej litok elab tata kon maron ne letok anemkoj ne iumin Jemen -Ei ne. Im ikonon kautej Mr. President im aolepen member rein an Cabinet, kwe Mr. Speaker kab barenwot Mr. Vice Speaker, Iroj ro ad elab tata kab armij in Majol.

Mr. Speaker, ne konaj lale jekjek in motion ne ej focus wot ilo nomba, 33 minus certain nomba, ewalok result eo. Im emoj an kar rikonono eo an mona jab e ba ke ej tomak im jemaron in ba ej justified ilo kwelok ko an kajojo mona kein separately ilo kwelok ko aer mantak. Im iben mona jab e juon ilo kwelok ko aer mantak elikin an kar wor cross over jen side eo juon in cross over jen side eo ej kalikar ewi jekjek in bija in nomba ne ekkar nan mandate ne an armij iumin elikin election eo.

Mr. Speaker, mekarta ne ej kab jedetok motion in kio rainin ak reasoning kane ak ground kane ak kwelok ko mantak an kajojo mona kein ruo jen jinoin enwot ao kar ba elikin an kar emakit jet armij jen side e juon im barenwot ilok nan side eo juon, ej kalikar jekjek in nomba ne kab bija in mandate ne jej konono kake governing mandate ne iben Nitijela rainin. Aet jaar melele kon ien eo ear itok 17/16 im ear ilok simple majority nan Government en bwe en kar walok jekjek in election eo. Ak at the same time Mr. Speaker, elikin emakitkit ko im bwe na ij kalimjek im lale jekjek in motion ne enwot juon regrouping method elikin time out kein liktak, ejej ir jen game kan an NBA kab wewein kane jet, kwoj call time out im time out ko rar koman erro mantak nan rainin jej tan jerbale motion ne. Im jen time out kein mantak me ear wor makitkit ko jen party kein ruo ear alikar jekjek in bija ne emol im jekjek in mandate ne governing mandate ne iben Nitijela rainin. Im naj kalimjek motion ne enwot juon method nan regroup im barenwot nan bar ekkal juon ekkal eo bwe it's a new ball game. Im ijaje ta eo jej bar aikuji manlok ke elukin alikar men ne, 33 member minus 12 ewalok result en. Ak 33 member minus 20 walok 13, emoj inak ta in jej bar wonmanlok wot im ekatak kake ke jemaron discuss -e rainin im kajitok im uak, kajitok uak bedbed wot ion jekjek in motion ne.

Kommol Mr. Speaker.

SPEAKER KEDI: Kommol Honorable Senator Wase. Ej bellok wot floor ne nan konono. Wonmanlok wot Minister Note.

MIN. KESSAI NOTE: Inna, kommol Mr. Speaker. Im jej kamolol Senator ra raar komeleleik koj kon democracy kab kon math. Ak kajitok eo an President kab Kien e nan jidrik ien bwe ej kab jedetok kio ground ka imaan Nitijela in im jeaikuj in ekatak kaki, jeaikuj in konono iben armij ro raar dror koj nai ije, jeaikuj boktok jet melele ko me enaj emman adwoj jimor etali bwe jen maron komane juon jemlok eo enaj emman nan Nitijela in kab nan aelon kein. Ak ibab ealika wewein kein ikijen konono ko an Senator ra. Ak kajitok eo an Government e bwe en itok ien im komean ej kajitok bwe en itok ien mae jibbonin Thursday 10:00 awa jibbon im kemean naj boktok uak ko nan ikijen melele kein raar wonmantak.

Kommol Mr. Seaker.

SPEAKER KEDI: Kommol Minister Note. Im mokta jen adean wonmanlok wot im bar discuss -e issue in ak konono kake, ewor juon im jejjo call tok jen public rej ba raar jab lukin ronjake ta eo Senator Silk ej ba im bolen kon an ebbon jidrik ainikien im inaj lelok bwe Clerk e en wonmanlok wot im read -I document in ear itok nan maan mejen Nitijela nan an armij in aelon kein elab tata ro rej ronjake radio ren melele ta kein jej konono kaki ijin.

Wonmanlok wot Clerk.

CLERK: Kommol Mr. Speaker.

January 25, 2016.

Mr. President im members ro ilo Kien eo eiet uaan.

Enin ej uak eo ebidodo tata nan kajitok eo, ta bedbed in Motion of No Confidence eo im ilo Kien in kio.

Juon, jej aikuj in ronjake im kanoj kautej konan ko an armij in Majol enwot an kar alika ilo ekelel eo ej jomlok lok. Mokta lok ejanin kar wor ilo bwebwenato in ekelel ilo aelon kein im armij raar kajur jutak ben im kwalok ainikier nan koman oktak.

Kien karuo, elab an kanoj in alika enwot ke iloan ruo week ko rej motlak Kien in kio ejelok an bedbed in kotobar ak Kien eo elon uaan nan ijiton im ejake juon Cabinet eo eoun kibidren nan an maron jermal. Ejimwe Kien in ejelok ial an bar komelele bwe emoj an tobar ijo lontata nan iakwelel kon melele im karel buruwon ro ilo opposition eo. Ejelok an kojatdrikdrik in kotobar jen ro uan Nitijela eo im armij in Majol. Wewein eo eliktata im lal in ad ejab aikuj ilo an lon issue ko an menin aikuj ko jej jelmae rainin im eaikuj wor uakier ilo ien eo emokaj tata, ej juon Kien eo emojno im ejab emman an jermal. Jeban konono kon menin aikuj ak issue kein konke kojwoj aolep im jela ta in jej konono kake. Ewor ad jela im melele ke ewor rijermal ro remman ilo Kien in kio botab jej barenwot aikuj in kile ke Kien in kio ej jab maron aini ilo

kojatriskrik juon simple majority eo ilo Nitijela in ekaal dede in ke ejelok an mandate. Elane vote of no confidence ej wonmanlok wot rainin, enaj ella.

Likit ilo kojatriskrik Mr. President, kemij kajitok ibam bwe kwon kile mol eo im jab kotlok bwe lal in en bar drebloke juon bar vote of no confidence eo eaitok im bok elab ien. Eien koman jermal jimwe.

SPEAKER KEDI: Kommol Madam Clerk. Nan ro public ilo aer kar kir tok ilo aer kar jab lukin ron ta ko Senator eo juon mottad jen Ebon ear konono kake ilo an jab alikar an druwoj nabojtak kar ainikien. Im ej belloke wot floor ne kio nan ad konono, ejanin wor jabdewot motion kab kelot kab jabdewot wewein ilo floor ilo tore in ak jej bok wot an dron lomnak mae ien ededelok im kwon adwoj lomnak iben dron.

Wonmanlok wot Senator Silk.

SEN. JOHN SILK: Kobar emmol Mr. Speaker. Bar juon alen jolok ao bod kon ainikio, bed wot ilo aoo in kautej eo.

Mr. Speaker, enwot an alikar ilo motion ne kab komelele, elukin simple uak eo nan kajitok eo. Kajitok eo ear itok ilo week eo lok ta bedbed eo kon motion in? Uak eo ej jedetok rainin, ejelok nomba iben Kien eo, ejab majority. Im men eo ebidodotata nan test -e elane emol ak riab uaki, jen komane vote eo kio im enaj alikar ne elon ro rej support -e Kien eo majority, ejemlok menin rainin. Ak ne ejelok, ebar jemlok rainin, both ways ak ejemlok wot raini. Ak ejab lukin juon complicated uak, ejab lukin complicated motion ne, ej bedbed wot ion melele in ke ejelok an Government eo mandate, ejab majority im kon menin eban komani jermal ko me ej aikuj in komane ilo an tol Majol in rainin. Im elukin simple kajitok ne, ewor ke an majority ke jaab? Im jemaron komane vote ne kio im ne ealikal emoj, ejemlok, emoj ad dispose –I motion ne wot rainin, lukkun simple.

Kommol Speaker.

SPEAKER KEDI: Kommol Honorable Senator Silk. Im Mr. President, kwoj konan ke bok kwonam ilo jibbonin rainin? Ibawot enaj jejet ne kobaj bok kwonam im ba jidrik nan kojwoj ilo jibbonin rainin, lewaj floor in nan eok.

H.E. PRESIDENT NEMRA: Kommol Speaker. Mokta jen ao wonmanlok im ba jejo naan Speaker, bok ien in emman im kamolol jemed woj ilan kon mour im ejmour, kamolol E kon jibbonin rainin ilo ad koba tok loan Chamber in an armij in Majol. Speaker, ao naan in kile im kautej kwe kab Vice Speaker eo, barenwot Irojilaplap ro ad belak in aelon kein, Leroij ro jined, Iroj ro ad ilo mweo imon Iroj, Owner eo kab ro loan aelon in Majol kab ro ilikin Majol.

Ikonan bar bok ien in Mr. Speaker, im kile rikaki ro jemed, kora in rikaki ro jined, member rein uan Cabinet kab aolep rikwelok rein an Nitijela. Im eliktata im ejab driktata Mr. Speaker, kile armij rein mottad rar koba tok im witness -e kwelok in an Nitijela im aolep armij in Majol rej ronjake ilo tore in kon ta kein Nitijela in ad ej konono kaki. Speaker, kommol kon am kile im letok jidrik ien arro konono ilo

jibbonin rainin. Na iban bok kwonao ilo uake bedbed in ear wonmantak ilo jibbonin bwe emoj an alikar kajitok eo an rein ilo mona eo juon kon kajitok in ke ne emaron rumwij lok nan Thursday enwot ke men kein rej kab walontak ilo jibbonin rainin nan amean bar ekatak kake im lemantak baj melele ko komean maron limantak elikin amean naj jermal iben ro tollokier koba armij ro komean ej represent -e er inem boktok melele ko.

Ibab kajitok in ejjab juon kajitok elab enwot ke kar baj 10 ran emotlak ear file mene im jej kab lo un kein im jej kajitok wot ruo wot raan, Thursday, ran kein rej bed wot loan Jemen Ei ne enwot am kar kalikar en jab mokaj jen 5 ak en jab to jen 10, emoj ejanin lon men en jenanin loke. Im ilo kautej eok Mr. Speaker iban bok kwonao ilo konono kein jibbonin rainin ak ij lewaj ilo kajitok ben wot ilo tomak in ke en wor ien amean baj ekatak kake.

Kommol Speaker.

SPEAKER KEDI: Kommol Mr. President. Im mokta jen ao lelok nan Minister Note, ewor ke bar Minister ej konan bok kwonaer? Ne ejelok Minister ej konan bar bok kwonan, ekwe inaj bar kojeblok nan iben Minister Kessai Note.

MIN. KESSAI NOTE: Kobar emmol Mr. Speaker. Im naj bar, ij wonmanlok wot im erra ilo melele ko rar itok jen President e adwoj ke Cabinet e enaj konan im ra jet ilo mona jab e enaj konan bok jidrik ien im ekatak kin menin ear wonmantak. Im einwot an President e kwalok ke aolepen men kein rej bed wot iloan raan kane me rej alikar ilo Jemen -Ei ne, ejelok ijon jenanin ella im ejelok kien en jenanin juri ilo ad komani kajitok kein. Ak ikonan bar elij ke maron eo ebed ippam Mr. Speaker, nan komani karok kein, juon in wawein ejenelok jen jermal ko rellon im normal function ko an Nitijela in im ej ien ko kein einwot ad kwalok ke Jemen -Ei in an aelon kein im rule ko an Nitijela rej lewaj nan Speaker eo maron eo kab protection eo nan an komani decision kein me rebin, me relle ilonin politic. Jet ien jej meloklok ke Nitijela in ej jikin politic menin, it's a political arena im Speaker eo emaronin le ilonin lok political baade kein adwoj jen dron, ekwe protection eo an Nitijela im an Jemen -Ei in ebed ippam Mr. Speaker nan komane jabdrewot jemolok eo me konaj komane ilo an naj ejelok wawein enaj walok nan eok im oppij ne am. Im kajitok eo an President im baade in, ekwe kwon kotlok bwe jen ekatak kake, emaron waan ilo an jet ba ak juon motion im juon karok nan jeniji juon government ilo jonan idrin in drein, ekwe aikuj wor ien ekatak kake. Ekwe kajitok eo in Mr. Speaker. Kommol kin ien in.

SPEAKER KEDI: Kommol Mr. Minister. Ej belok wot floor ne nan wonmanlok wot im bar konono. Im mokta jen ao lelok nan Senator Silk, ebar wor ke senator ej konan bok kwonan? Ilo aolep tuion kab turok?

SEN. MICHAEL KABUA: Speaker?

SPEAKER KEDI: Ijja lelok mokta jen ao lelok nan Senator Silk, ne imaron lelok nan Senator Michael Kabua, wonmanlok wot senator. Senator Michael Kabua, kwoj kajitok floor eo ke? Ne eindrein, wonmanlok wot.

SEN. MICHAEL KABUA: Speaker, jolok bwod. Im ilo kautiej wot aolep ilo; ikonan koba waj wot ilo naan in kautiej ko adwoj nan dron ilo jikin kwelok in kab ilo elikin jikin kwelok in. Im Speaker, mokta ikonan ba nan eok ke kein konono e kab ronjake e ije ejab eman. Ak kamolol eo ej letok mour im ejmour moktata. Im juon in raan emman im eban aetok ijo ij ba bwe elap an eman melele ko jar ronjaki jen aolepen side kein ruo, elap aer emman. Ak meneo ij reilok iloan kajitok eo an President e kab eo jen Minister eo an Foreign Affair ekadrik simple, ealika im ekadrik bidodo im ejab meneo aurok in bwe kinke komean ej bed ilo minority, ak meneo aurok in bwe lal in en ronjake ta eo me ear wonmantak rainin me naj kab ronjake kio ejibon. Ejab meneo komean ej mijake in luuj im jijot bajok ak jekonan bwe lal in en ronjake ta uaak eo ekadrik simple im lak moj jijet lok. Ijaad erra ippen Minister e adean ilo Foreign Affair kab elaptata President e ilo kautiej, Speaker jilla eo ne ippam. Kommol.

SPEAKER KEDI: Kommol Senator Michael Kabua. Ebelok wot floor ne im inaj bar kojeblak nan Senator Silk, ne ekonon wot bok floor ne, wonmanlok wot Senator Silk? Emman lok ne joj aolep ro remaron bok kwonaer ilo jibonin nan adwoj bok an dron melele mokta jen an jea letok lomnak eo an eliktata.

Wonmanlok wot.

SEN. JOHN SILK: Kobar emol Mr. Speaker. Im kautiej aolep melele ko imanlok im ij kauteji bareinwot bar juon alen kautej armij in Majol im Iroj ro.

Mr. Speaker, kajitok eo an Minister Note ejanin itok ilo kilaan motion ej kajitok wot ippam im ij lomnak procedure eo ejimwe ne bwe jen wonmanlok jen, en wonmantak juon motion nan kajitok bwe en, jen delay-ik vote eo ikijen motion in nan vote in jelike mae Taije einwot kar kajitok eo. Procedure wot menin emoj ij lomnak ej aikuin itok ilo kilaan motion jen juon ian jarin bebe kein ilo floor in an Nitijela. Kommol Mr. Speaker.

SPEAKER KEDI: Kommol Senator. Ij melele einwot ao kar ba ekeinlok jidrik jej konono wot bwe ejanin wor jabdrewot motion im jej bed wot ilo jokjok ne kio. Jej wonmanlok wot im konono mae ien ewor juon motion.

Wonmanlok wot Senator Brenson Wase?

SEN. BRENSON WASE: Kommol wot ilo wot kajitok Mr. Speaker. Ak melele eo in bwe kojean en recess manlok nan Taije ke? Ak etke jejab roltok aolep raan im bwe rej baj jerbali wot simple math ne ikijen 33 minus 20 ak kojean wonmanlok wot im kwelok continuously ilo raan kein manlok im bar debate -i. Ak ikonan kin an aurok melele in Mr. Speaker, bwe armij ren jab book kin juon (1) lok nan jonoul (10) raan im einwot an kar President eo ba motion in ear file jonoul (10) raan emotlok. Ikonan kajimwe melele in Mr. Speaker, ke motion in ear file lalem (5) raan emotlok unin adean roltok bwe kojean en discuss -e im jino debate -I kinke kojean tobar raan jiljino (6). Kommol Mr. Speaker.

SPEAKER KEDI: Kommol Senator. Wonmanlok wot Minister Note.

MIN. KESSAI NOTE: Kommol Mr. Speaker. Im ejimwe bolen melele ko raar itok ikijen raan kane ak meneo ij ba in ke ground ka nan komane vote in jelke ne ej kab jedetok jibonin rainin. Im kajitok eo an President kab rein ilo mona e juon bwe kwe Mr. Speaker, iloan jen maron eo am make, kwon karok bwe

jen roltok ilo Taije. Elane jenaj kwelok ilo raan kein manlok ejelok menen jenaj konono kake bwe ejanin bojak response nan allegation kab un ka ilo petition e. Im kajitok eo bwe jea ne am en kakijeik Nitijela in mae jibonin Taije, 10:00 awa. Im ej bed wot iloan raan kane jonoul (10) ilo Jemen -Ei ne ak emol ke ekar itok kojella in jet week remotlok, imeloklok naet eo ak allegation ka kab un ka ije rej kab itok kio ej jibon im jaikuj ien nan ad ekatak. Remaron bolen simple im waan ilo jet kalamenlokijon ak ne rej itan jeniji juon government eo me ekar legitimate bok kalimur legally im lawfully, ekwe ejjab waan im ejjab that simple im jaikuj ien nan ad ekatak kake. Kommol Mr. Speaker.

SPEAKER KEDI: Kommol Mr. Minister. Im ej belok wot floor nan konono mokta jen ao naj kwalok jabdrewot lomnak jen jea. Wonmanlok wot Minister eo an Justice, Honorable Minister Atbi Riklon?

MIN. ATBI RIKLON: Kommol tata Speaker. Im bar juon alen lewaj kautiej eo kab kile eo nan eok kab Vice Speaker Anton, aolepen rikwelok rein ijin, President eo kab Cabinet ro jet, Nitijela rein kab Irolj ro aer aelon kein, armij in Majol ro droer me jean ej jijEt ijin ilo etaerwoj im rein mottad me rej bed ilo chamber in ilo jibonin rainin.

Ikonan wot, ijela ke kwojela Speaker, jej bed ilo adjudication process an Nitijela im kwe eo kwoj bed iolap. Im aolep ien ne jej engage ilo kain process rot in, ej itok naan eo ample time nan ao koboj io make kin ta ko rej ennoik io kaki kab na ruwo kaki. Im enin kajitok eo einwot ej ettor ippen kajitok in an Minister Note kab komean, President eo kab Iroj Mike, Senator Mike; letok ien, ample time bwe ealika rainin kio emoj ao mona e juon substantiate -I un ko ak claim ko aer ke en wor vote in jelke. Im in our fairness ejelok kajitok ke jej aikuj ien, elane ekar itok lalem (5) raan emotlok einwot an kar file, ekwe komean naj kar bojak nan debate kio jibon ak rainin. Ak einwot ilo an itok ilo ejelok ample time nan amean rebuttal ak katak kake im bojak kin rebuttal me ijab tomak ke lollap ro kar lomnak eo aer in bwe en eindrein. Ke rar jolok ien ko aer rellap im rellon, rar kotomene ke enaj kar wor ien an mona eo juon ekatak kin allegation kein, ejelok oktak jen proceeding ko iloan court. Court eo ej jikin kajimwe ej lewaj ien bwe kwon koboj eok im kajitok in ij kobalok ippen Minister eo an Foreign Affair Mr. Speaker, einwot ao jela ke kwe juon emaan eo e-fair ilo an jermal im kwoj bar tomak ilo ample time, ample opportunity nan koboj ta eo kwoj bojak in ba im ta eo rej ennoeik eok kake.

Kajitok eo ao drein Mr. Speaker bwe kwon exercise -I maron eo ippam im letok ien bwe aelon kein ren ronjake ta eo kim maron ba ikijen allegation kein me rej substantiate -I motion nan vote in jelke. Kinke automatically ke, title in an motion in, vote in jelke ej itok ruo (2) kajitok, jelke won? Im kin ta jej jelke? Naturally mene ejab ba ilo language in ak provision in me jej emmakit kake, ekwe naturally, won eo jej jelke? Im kab ta eo jej jelke kake? Unin amean kajitok jidrik ien kinke kimjean en maronin bok kwonamean ilo kajitok kein ruo (2) kab allegation kein me rebed iman. Kajitok ippam Speaker bwe kwon jouj im letok ien nan komean bwe komean en baj koboj ta eo kemij itan jirontok Nitijela kab aelon kein ikijen wawein in ebed iman im ej koman bwe jen jolok elon raan nan ad jermal nan aelon kein. Kommol tata Mr. Speaker.

SPEAKER KEDI: Kommol Mr. Minister. Ilo torein inaj kile Minister an Resources im Development, Honorable Bruce Bilimon, wonmanlok wot.

MIN. BRUCE BILIMON: Kommol Mr. Speaker. Bed wot ilo aoo in kautiej eo an jikin bebe in an riMajol eutie, ilo ao kile im kautiej aolep, kwe Mr. Speaker, Vice Speaker, President kab Iroj rein ad, Leroj rein ad, Cabinet, kijwoj aolep ilo jikin kwelok in.

Mr. Speaker, naj baj kalamenlokijon ilo ao ronjaki melele ko rej wonmantak im naj kememij juon adean kajin Majol im ej ba "Iroj im jela". Im ilo ao jela kin naan in "Iroj im jela" kinke ne ej wor ien rot kein rebbin, ien rot kein me imaron watake einwot rainin kajeen ej ione, Iroj ro ad, ilo ao melele ej komani jo kalet ko ilo etan armij ro im ta eo emantata nan armij ro. Ijab tomak Iroj ro ad ne rej koman aer jo kalet rej lale numba, ejab le simple math. Ilo aer komani decision kein rej ettor kin what's in the best interest of the people im ta eo emantata nan eneo eneir, community eo rej lale; eindrein jermal in tel, jej tel kin jimwe im kin mol im ejab kin simple math.

Ilo ao kar; na ej juon senator kaal, ilo ao kar ettor, naj janin kar ron konono rot ke iaikuj bed ilo juon majority baade im iaikuj bed ilo ijo me elon uaan, dedein ke kijwoj lak campaign, kijwoj ej kokadede, kijwoj ej kenan im ba "ne ijijet, kijwoj naj, ne kom kalet io, inaj jermal ippen aolep ro iloan Nitijela bwe konan e ao im kalet ne ami ej nan lemanlok aelon kein." Emoj eman ao ronjaki melele ko rej limantak im ij monono ak ij buromoj. Monono eo ao in kinke armij in Majol rej ronjake adean kenaan, meneo ij buromoj kake in, kinke elane kajeen kojerbal simple math, emoj an alikar numba kane ak kajitok eo me ej itok jen ippen President in ad kab mona in ej itok ejab nan ao, nan amean ettor kin numba bwe alikar einwot an Iroj Mike ba, ejab; it's not a question of who wins and loss, Nitijela ej jikin kwelok eo an armij in Majol im kajeen in jaikuj komani jo kalet ko me rejimwe nan armij in Majol, ejab nan interest ko an side A, side B, aolep kain side. Ak kajeen en kalamenlokijon ke armij in Majol rar likit kajeen ijin nan fairness im nan jimwe. Im ne ewor juon kajitok ej bed ijone maan, ekwe ej iwoj ilo etan armij ro me raikuj melele kin ground kein rej wonmantak. Ijab tomak armij in Maloelap rar likit io nai ije ba nain itok in bed lo minority baade or majority baade, armij in Maloelap rar likit io bwe nain bed ije bwe nain itan jermal ippen 33, 32 senator bwe kimwoj en bukwoj kilen, kijwoj en bukwoj kilen elmen adean wonmanlok im lemanlok aelon kein. Ien edrik einwot an kar President in ad komeleleiki ilo ien kobelok eo an ke, etoren wodde jibbel im iburojoj ak imonono. Ak ikonon baj rie kajitok eo an mona in ke ejab simple wonmantak juon men ne jej kenaan kin jujuk in bed, livelihood, mour an armij im jejab itok im 1,2,3 einwot ad kijon kenan kake. Kajeen ej itok bwe jen komani jermal ko rejimwe ilo etan armij, ejab Jaluit, ejab armij in Ailinglaplap, ejab armij in Arno, Maloelap ak ilo etan armij in Republic of the Marshall Islands. Rar likit kajeen ijin bwe kajeen en komani men ko rejimwe ilo etaer. Im simple kajitok letok wot jidrik ien bwe tomak e ao armij raikuj bar jela bwe elukun clear an wonmantak kajitok ne, mandate ne me ej jarjarin vote in jelke ne. Ak ilo etan mona kab ilo etan armij ro woj me komjean ej bar jutak ilo etaer, ekwe jouj im komane jo kalet eo me ejimwe. Kommol Mr. Speaker.

SPEAKER KEDI: Kommol Mr. Minister. Im ilo kar kotomene eo ao ilo jibonin rainin jen kar jino konono kin vote in jelke in, iloan kar drelontok document eo ilo Mande eo im ear mottan agenda in, document ne me ej bar drelontok rainin ej bareinwot mottan document eo Mande eo. Im jej bed wot im naj kotar ta eo, konan eo an Nitijela ilo jibonin rainin. Ikonan kwalok ke ilo ao bed ije im toon wot ao bed ije, mol ke ewor ijo imaron boke jen ije make im kwalok ak nan courtesy nan aolep member, inaj kotlok bwe member ro ren komane motion eo im joj ej erra ippen dron kake im ejab jea. Botab ne iloke ettor innem kankan tok im bin, ekwe innem jea enaj aikuj komane decision eo an, ak ne komean naj lale rule

im procedure kane an Nitijela, ke moj an bo ieon im rok ikijen wawein komakitkit Nitijela in. Ak elane ej etal im ejelok jabdrewot, ekwe jea enaj bok kwonan ak kijwoj ellon iloan mwin, joj jela ia eo ejejot tata im ta eo ejimwetata im inaj kotlok bwe en itok motion jen floor elane jej konan bwe en wor motion nan decision ko an Nitijela. Im inaj aikuj honor -e motion eo kab decision ko an Nitijela collectively im jab jen na make. Inaj kile mokta Senator Momotaro, wonmanlok wot Dennis.

SEN. DENNIS MOMOTARO: Kommol Mr. Speaker. Im ij bed wot ilo aoo in kile moktata jemed ilan im kile kwe Mr. Speaker kab Vice Speaker, Mr. President, aolep Minister rein, aolep Senator, aolep Iroj kab Leroj ro ad, kile aolep rein rej bed ilo chamber in nan aer witness -e kwelok in ilo jibonin rainin kab aolep armij in Majol Mr. Speaker.

Mr. Speaker, ekar walontak kar kajitok eo jen ippen Foreign Affairs Minister e adean, simple kajitok ne emaron tortor liklok nan Taije im kajeon maron itok im debate im lak moj vote -I menin. Im naj bar reiliklok Mr. Speaker, ilo kar raan in kar kobelok eo Mr. President ear lemantak kar naan ko an ke; you know jej kajeon itan bukwot juon ial eo me oktaklok jen kar mokta, me jejab itan iakwelel, iakwelel ion floor ak jej kajeon naj bukwot wawein bwe kajeon en aolep jermal ippen dron im meneo jej kajeon bukwote in bwe kajeon naj itok emen (4) in yio kajeon naj bed ijin im jej aikuj naj bukwot wawein bwe kijwoj en jermal ippen dron nan emanlok eo an Majol kab armij rein ad, rein me rar vote koj im drore kajeon ilo jea kein aer.

Im Mr. Speaker, naj lomnak elukun simple kajitok eo nan ippen mona e juon ejab kin einwot jaar ron ejab kin numba ak full courtesy nan ippen rein me rej jijet ilo kien in kio, Mr. President kab Minister rein kab ra woj jet ne emaron itok jidrik ien nan ippemean nan Taije? Kajitok eo in.

Im Mr. Speaker, iar lewaj jidrik ao kar note nan ippam ke einwot am jela rainin aelon eo arro ej inaugurate im ejab to jen kio iaikujin baj etal, naj komro Minister eo an IA. Ak ne enaj wonmanlok wot im vote kio ak ijako ekwe, kalikar vote eo ao ke ij bed wot ilo ippen vote e ije, vote e ao ikonan kalikar Mr. Speaker ak ijamin bed wot, ij lo ke ebar aurok kab responsibility ka ao nan bar armij ro arro ijo im iaikujin tal nan naj inauguration eo an council eo adean. Ak simple question, ne emaron waliklok nan Taije Mr. Speaker, im ilo ad respect -e dron, jermal ippen dron ilo jitob in Mr. Speaker. Kommol Speaker.

SPEAKER KEDI: Kommol Senator. Enoj ao kar response waj ke kwoj excuse. Ak na ikonan kalikar nan eok ke ne kwojako vote eo am ejab count, ekkar nan rule ka an Nitijela ije imaan mejerro; jabdrewot member eo ej jako ejab count vote eo an. Ne ej wor wot unin konono, wonmanlok wot Senator, mokta jen ao lelok nan Senator Wase, imaron ke lelok nan kora e juon jined einwot ke ej kab baj kajutak pein.

Minister Alik Momotaro, wonmanlok wot.

MIN. DAISY ALIK MOMOTARO: Kommol Speaker. Im naj yield mokta nan Senator Wase. Kommol Speaker.

SPEAKER KEDI: Senator Wase, wonmanlok wot.

SEN. BRENSON WASE: Kommol wot Mr. Speaker. Ak einwot manit ko ad kein kio im na inaj kautej kora im naj yield floor nan minister in jino.

SPEAKER KEDI: Wonmanlok wot Minister.

MIN. DAISY ALIK-MOMOTARO: Kommol Speaker. Im kommol, kautej senator eo jen Majuro, Wase im kamolol e kon an bar kojablaktok nan ao bok kunao. Muktata ikonon kokaal aoo in kautej eo ao nan kwe Mr. President, Mr. Speaker, Vice Speaker, im aoleppen cabinet member rein motta, Iroj im Leroij ro ad ilo aelon kein, im aolep rein me raar kobatok ilo jibbonin rainin jej loe ebwe en lon rej itok limoier kon Vote in Jelke in nae President Nemra im cabinet eo an.

Ejjab lukkun lap ijo ij ton ba, ij itok wot in kamejlok ke ij jutak ilikin kajitok eo me elukkun simple, me jen minister eo an Foreign Affairs, im President Nemra ikijien kajitok eo nan kakkije ruo raan ak Taije bwe komean en kolmenlokijon kon menin im buktok uak ko. Ilo kar konono ko an Senator Wase im Senator Silk, rej konono konke menin elukkun simple, simple math. Ak ilo kolmenlokijon kake ekakumlok koj bwe ejjanin juon week in kien in, ekojkan ad naj kar koman wonmanlok im menko. Ilo kar konono ko aerro jimor Senator Silk, ekar konono ke Anij ej letok freedom of thoughts im ej bar letok freedom of jela nae dron, freedom of jemdron, maintain the peace within our own community. Im baamle eo an Majol in ekileptata Nitijela in, kojean, freedom of respect -e dron, im menkein ke rej bar itok ilo manit eo ad im jejela ke mene me simple math im menkein otemjej ak jej bar aikujin likiti menkein einwot ke rej bar principal in mour ko ad. Im ijo ikar itok wot in ba in ke ij jutak ikijien kajitok eo im maron eo ebed ibbem ne komaron letok jidrik ien bwe komean en konono, kolmenlokijon kake im boktok uak ko an kajitok in einwot ke ej kab itok kio ej jibbon. Im jej jab melele etke ekar file lalim (5) raan moktalok ak etke ear jab itok bwe en kar wor ien eo me jen kar kolmenlokijon kake im itok im discuss -e ilo jibbonin rainin. Im kajitok ibbem einwot konono kake, maron eo ebed ibbem im for fairness. Im ilo kar raan eo kojean ar jino itok menin kwar kwalok ke konaj kotlok im letok ien im jej bar melele mene jekaaltok nan ijin ak jemelele ke ilo kar Vote of No Confidence ko manlok, raar lelok ien ko bwe ren koboj uak ko aer. Kon naan kein reiet, kommol tata kon am letok jidrik ien.

SPEAKER KEDI: Kommol Minister. Inaj lelok nan Senator Wase. Naj elikin naj Senator Wase naj bar bok ruo wot im men bwe einwot bwelen emaat rej konan bok kunaer im jenaj wonmanlok wot im komane ta eo ekkartata nan ad wonmanlok jen ijin. Ak ij kottar wot ije kon jabrewot motion jen floor. Ij bed wot im kottar jabrewot motion. Ak ewor suggestion bwe jen kakkije nan Taije ak ewor bar bwe jen kakkije nan ilju im wonmanlok ilo raan kein liklok. Im ij bed wot im kottar naj motion eo enaj itok jen floor ak wonmanlok wot Senator Wase.

SEN. BRENSON WASE: Kommol, kommol wot Mr. Speaker. Im mokta jen ao naj bar kwalok jejojo naan, ekwe inaj konan komane juon ao bebe elikin am leto letak floor ne nan kajojo rikwelok bwe Nitijela en kakkije mae raan eo ilju im jeblaktok jejela ke elukkun lap naj ien, aolep elikin raelepen, lukon bon kein elane motion in ej juon men aorok bwe en ton bar einwot, ikar ba ekkeinlok jidrik ke regroup, naj watok menin ej juon tool in regroup nan komane juon bar ball game kaal. Im naj komane juon ao motion bwe elane ededelok am jaketo jaketak rikonono bwe kojwoj en konono ikijien motion in, ekwe naj komane juon ao bebe bwe jen kakkije mae raan eo ilju. Im ij kottar second im ne imaron wonmanlok wot?

SPEAKER KEDI: Ewor juon motion ion floor ne bwe Nitijela en kakkije mae raan eo ilju 10:00 awa jibbon, emoj an second. Im mokta jen ad entertain -i inaj kotlok bwe kwon kadedeiklok statement eo am im bar ruo im elikin jenaj wonmanlok wot.

SEN. BRENSON WASE: Kommol wot Mr. Speaker. Im naj ton konono ilo jokjok in konono ko tok kio im aet ewor maron in jemdron, ewor maron in freedom in jela nae dron, ak elane ear mol ad jela nae dron jeban kar bed ilo situation in rainin. Ne ekar mol ad iakwe dron, jemdron, freedom of lale dron jeban kar bed ilo situation in rainin. Ak Mr. Speaker, ij bareinwot lale naan ko an Minister eo an R & D ke jermal ibben 33 ak ne jaar jela tot ilo jikid im jab katoketak jeban kar bed ilo situation in rainin.

Speaker, elukkun aorok, elukkun aorok bwe jen lukkun riti Jemen -Ei ne im jela mwilal in provision kane ie. Jej aikuj in melele ke Iroj ro ad rellap, alap ro aer im armij ro me armij ear leke kile ko aer ion aeraer bwe ren eik Jemen -Ei ne raar karok kobban im bareinwot referendum im pass e kon 58% im kile bwe ainikien Iroj ro rellap ad rainin, ainikien alap ro, im ainikien constituent ro ad ilo kajojo constituency ebed iodean rainin. Kojean ej mejen Iroj ro ad, kojean ej loniin Iroj ro ad im armij ro droer, kojean ej bareinwot lojilnier. Im jabrewot jermal in business kein an Nitijela rej koman rainin ilo ad konono kajojo member in Nitijela, jej konono ilo etaer.

Mr. Speaker, emman ad ronjake simple jen side e juon ak enana aer ronjake simple jen side in. Rej ba kajitok in ej juon kajitok eo e-simple konke ej konono kon math. Ak jelak ba ebidodo jerbale konke ej bareinwot konono kon math ekwe e-complex im ijaje ta in etke rej accept -e simple ijoiyo ak reban accept -e simple ijoiyo.

Mr. Speaker, simple in ij konono kake elane jaar riti Jemen -Ei ne lale mwilalin, ekwe simple ejjab mean that simple, simple kon mwilal in konono kake ilo Jemen -Ei ne. Im na ijela ke komelele ke eto adwoj lelok letok kon menin im jenaj bar repeat im bar repeat ak inaj bojrak in im lewoj bwe kwon beke bwe motion eo ao ne bwe jen kakkije mae raan eo ilju im emoj second -e.

SPEAKER KEDI: Kommol Mr. Senator. Einwot ao kar kalimur, mokta jen ad entertain -i motion in emoj an likio nan kakkije mae raan eo ilju, inaj bar lelok opportunity nan ruo im men mokta jen ad kiil konono.

Wonmanlok wot Minister Note.

MIN. KESSAI NOTE: Kommol Mr. Speaker. Im kamolol nan Senator Wase kon an bar letok juon raan in ekkatak. Ekwe subsidiary motion nan kolaplok jen juon raan nan jillu raan in ekkatak bwe jen roltok ilo raan in Taije, jibbonin Taije, motion eo arro ne ilo ien in Mr. Speaker. Im inaj konan konono elane konaj bar koroltok floor in.

SPEAKER KEDI: Ewor juon subsidiary motion bwe en roltok ilo Taije im emoj an second. Ewor ruo motion ijone, juon main motion kakkije im roltok ilo raan eo ilju im juon subsidiary motion nan roltok ilo Taije. Inaj bar kobelok floor ne nan juon wot im jenaj wonmanlok wot im komane decision eo an Nitijela ilo jibbonin rainin.

Wonmanlok wot Senator Silk.

SEN. JOHN SILK: Kommol Mr. Speaker. Im bed wot ilo aoo in kautej eo. Mokta jen adean dispose -i main motion ne kab subsidiary motion eo, kar meneo iar konan ton ba in bwelen naj ba kadede nan kojean bwe kojean en kab kolmenlokijon kake mokta jen ad roltok ilo raan eo ilju or Thursday ekkar nan naj karok eo an Nitijela. Im enio, jean en kememej bwe issue eo dre ne imaan Nitijela ej elane ewor an President e majority ilo Nitijela in im won ro rej support -e im ewor ke an majority. Jejjab ak ejjab juon meneo me jej ton abuse -i constitutional right ko ak lukkun ej juon meneo me ej lawful im proper in exercise the right, the right to decide whether there is a majority or not, jejjab ton abuse -i constitutional right ko me emoj an guarantee iumin Jemen -Ei ne. Jej iton exercise -i right in nan ad find out elane ewor majority ak jaab ilo Nitijela in nan President in ad, kajitok eo drein. Im ij dror kajitok in bwe jean en kememej kake im homework e nan ilju ak Taije. Kommol Mr. Speaker.

SPEAKER KEDI: Kommol Senator. Innem ededelok ro rej aikuj kar bok kunaer. Jenaj wonmanlok wot kio im entertain -i motion ko ruo. Im jenaj jino kon subsidiary motion eo im subsidiary motion eo ej bwe jen kakkije mae Taije im naj tomak bar 10:00 awa jibbon im jenaj wonmanlok wot im vote in motion in ilo jokjok ne. Im ro rej ba bwe Nitijela en kakkije mae Taije 10:00 awa jibbon ren ba aet? Einjuon jaab? Innem jenaj aikuj komane juon bwinbwin kon pe nan kalikkar ewi motion eo ilo an jab alikkar ainikien kane im einwot jarkane ilo gallery kane jouj im jab aet im jaab bwe einwot elap an lap item jaab ilo jibbonin. Eeh... rikwelok ra wot adean rej uak aet kab jaab ilo jibbonin.

SEN. KESSAI NOTE: Juon kajitok bwe jen vote kon roll call.

SPEAKER KEDI: Emoj kajitok bwe en roll call ikijien menkein renkar complicated lok jen jonan e rej ebed ie ak emman wot. Im enaj wor juon motion nan kajitok bwe jen komane vote eo kon roll call im emoj second -e im kio ne ikajitok ro rej ba aet im ro rej ba jaab im bar jonan wot juon jean naj etal ia lok elikin ijin. Ro rej ba jen wonmanlok wot im komane roll call eo ren ba aet? Einjuon jaab? Innem alikkar ke jean ej komane roll call eo ilo jibbonin rainin. Kommol Mr. Minister.

Madam Clerk, wonmanlok wot ikijien im bar juon alen ij eliji motion eo mokta jen ad komane roll call eo ej bedbed ion subsidiary motion eo bwe Nitijela en kakkije mae Taije 10:00 awa jibbon ak ebar wor juon motion naj kar nan kakkije mae ilju jibbon.

Wonmanlok wot Madam Clerk im kir roll ne an Nitijela. Ikonan bar kakememej rutej rein bwe motion eo kio nan kakkije mae Taije, 10:00 awa jibbon.

CLERK:

H.E. President Casten Nemra.....	Aet
Minister David Kabua.....	Aet
Minister Kessai H. Note.....	Aet
Minister Jack J. Ading.....	Aet
Senator Kalani Kaneko.....	Jaab
Minister Atbi A. Riklon.....	Aet
Minister Bruce Bilimon.....	Aet
Minister Daisy Alik-Momotaro.....	Aet
Minister Leander Leander Jr.	Aet
Senator Mike Halferty.....	Aet
V-Speaker Jejwarick H. Anton.....	Jaab

Senator Litokwa Tomeing..... Jaab
Senator Alvin T. Jacklick..... Jaab
Senator Alfred Alfred Jr..... Jaab
Senator David Kramer..... Jaab
Senator Amenta Matthew..... Jaab
Senator Hilda C. Heine..... Jaab
Senator Maynard Alfred.....Jaab
Senator John Silk..... Jaab
Senator Brenson S. Wase..... Jaab
Senator Sherwood Tibon.....Jaab
Senator Michael Kabua.....Aet
Senator Christopher J. Loeak.....Ijjab vote
Senator Tony Aiseia.....Ijjab vote
Senator Jerakoj J. Bejang.....Aet
Senator Thomas Heine..... Jaab
Senator Wilbur Heine.....Jaab
Senator Tony Muller.....Jaab
Senator Dennis Momotaro.....Aet
Senator Mattlan Zackhras..... Jaab
Senator David Paul..... Abstain 3X

CLERK: Mr. Speaker, ewor 15 aet im 16 jaab.

SPEAKER KEDI: Innem emoj an alikkar ke motion eo, subsidiary motion eo ejjab maron ella ilo jibbonin rainin. Jenaj wonmanlok wot, kommo Madam Clerk. Kio ilo floor ne ewor juon motion elikio nan an Nitijela in roltok ilo; ewor ruo outstanding motion rej bed wot ijone. Juon, motion eo nan roltok ilju jibbon 10:00 awa im eo juon unin kar kobatok in ad, motion laplap eo ikijien naj vote in jelke ne.

Jenaj wonmanlok wot im entertain -i ak inaj kile mokta Senator Brenson Wase.

SEN. BRENSON WASE: Mr. Speaker, kon compromise emmanmon ne, naj move nan previous question.

SPEAKER KEDI: Ewor juon motion nan move nan previous question. Elon ke second?

Emoj seconded im ej juon likio in bebe. Ro rej ba bwe en bojrak konono kon main motion ne nan kakkije mae raan eo ilju ren ba aet? Einjuon jaab? Innem jenaj wonmanlok wot im komane bebe eo ikijien ro rej ba jen kakkije mae raan eo ilju 10:00 awa jibbon ren ba aet? Einjuon jaab? Innem Nitijela enaj kakkije mae raan eo ilju 10:00 awa jibbon.

Ilo kautej,

Journal Clerk

